

明英宗實錄

卷三〇〇至三六一

天順三年二月至八年正月

明英宗睿皇帝實錄卷之三百

天順三年二月甲寅朔致書肅王膽焰曰今得長史鄭立奏稱甘州中獲衛指揮僉事樊俊係洵陽王妃父其妻趙氏不時進入妃宮留宿數日方出又時常引領次女蘭州衛指揮方釗之妻同入宮中不避嫌疑欲恃樊俊調出外衛其言固為有理但樊俊先已准不調令照舊管事今後樊俊妻女非過時節不許時常出入王府王須嚴如禁約曉諭以絕嫌疑切勿以私情牽制優游不斷如是必有後悔專書以達惟叔祖亮之。命遼東右叅將鄧督僉事劉端春夏暫往遼東都司提調操備秋冬仍回廣寧聽調廣寧管操都指揮僉事鄧鐸協同左副總兵束寧伯焦禮領軍殺賊從總兵官海寧伯董興等奏也。詔陝西各邊不許官豪占據近地草場其腹裏民草領折銀納邊者聽從

監察御史陳典庸奏請也。時廣東廣西盜賊竄起雷廉高肇之地或數百里無人有言此為有司貪恣所致其間或俘襲土官或調遣土軍或輸班官軍交捷或豪富官軍費閑千方百計巧取財物以致激變蠻夷地方失守命都察院揭榜禁之。丙辰 聖烈慈壽皇太后聖節 上率后妃皇太子親王上壽免命婦朝賀賜文武百官宴。丁巳釋奠先師孔子遣吏部尚書兼翰林院學士李賢行禮。戊午祭 大社 大稷。遣順天府官祭先農之神。己未擢儒士楊仕俊為中書舍人仕俊故少師工部尚書兼謹身殿大學士榮孫先是獲例奏乞於中書舍人處寓字至是滿三年改擢之。戶部言近博野王奏乞親米食用隸山西地產稷米不多宜行本布政司將原派廣昌等王并今新封各王稷米均派食用從之。陞七憐衛指揮同知

伏羊古馬指揮使指揮僉事伯勒馬指揮同知喜樂溫河衛指揮同知兀輶哈必桑加今龍哥俱為指揮使。今改錦衣衛指揮僉事宗鐸孫寧襲職於本衛帶俸。夜有流星大如雞彈色青白有光出翼宿東南行至濁。庚申兵部尚書馬昂奏安遠侯柳溥乃舊統兵往陝西殺賊玩寇長姦卒無成功却將原領內府銀牌五百面盡行濫給官軍宜執問其罪。上命溥自陳溥伏罪釋之。辛酉雲南大理府雲南縣土官把事張中等四川馬湖府平夷長官司把事羅添貢等廣東新會縣撫徭人梁謙等并四川鹽井衛千戶所土官千戶卜阿佐違舍人約魯步等未朝貢馬及方物賜宴并綵幣表裏鈔錠有差。命改忽石門衛指揮使你龍哈子阿令加指揮同知鎖奴子木乃哈指揮僉事必龍哈子瓦納哈可令河衛指揮僉事史登哥子滿皮阿

倫衛指揮僉事塞勒子伏羊古阿羊哈子木哈喜樂溫河衛指
揮同知土成哈子阿多受龍子幹你指揮僉事高里子鎮定哈
安成哥子勒孫哥牙當吉子北成答里內哥喜兒哥子撒魯哈
知魯哈子海蝦把河衛指揮僉事哈剌子幹里克木答里山衛
指揮使把卜沙子撒兒乞阿剌山衛指揮僉事沙魯子得乞納
兀者衛指揮同知以里子阿隆加指揮僉事忽失塔子木令加
達平江衛指揮同知賢長哥子沙的朵不同哈子羅果指揮僉
事失令哥子阿達石城衛指揮僉事失弄哥子塔達重山衛都
指揮僉事孛吾哈孫常家奴歹因哈子金八指揮僉事木長哈
子牙失牙孛失加子趙郎哈迭兒哥子佟沙建州衛指揮使歡
赤思子剌哈阿真同真衛指揮同知牙失塔子鎮失哈俱襲職
口河南按察司副使歐陽哲乞致仕從之。右僉都御史蕭啟

養疾居家。為鄉人所誣。奏達下錦衣衛獄。坐杖。上命啓冠帶。閱住誦誣奏者。克問平衛軍。鴻臚寺主簿鄭玉廷奏。少卿楊詢侵剋進貢物。俱下錦衣衛鞠之。玉坐誣。命降調外任。巡按陝西監察御史郭文等奏。守備蘭縣署都指揮彭智鎮守莊浪。都督僉事林宏土官署都指揮僉事魯鑑鎮守邊方。不能嚴謹。隄備以致達賊入境。殺傷官軍。搶劫財畜。宜執問之。上曰。姑克問。今當先殺賊。以贖前罪。再犯不宥。點監察御史周必兆。為民先是。必兆巡按四川。枉道過江西安福縣。省其家。同鄉致仕知縣楊季安與有隙。奏其諸不法。命錦衣衛遣官執必兆至京。下獄鞠得。季安所奏。必兆皆誣。但必兆枉道歸時。多支驛廩。故點為民。壬戌陞建州右衛都指揮僉事。季土壘為都指揮。同知連平江衛指揮使韓必建。州衛指揮使沙和保。俱為都指。

彈食事指揮同知古魯哥兀乞納撒里阿的勒皂化俱爲指揮
使指揮食事後撒沙魯桑果奴古失答阿卜沙魯哈牙失塔俱
爲指揮同知阿真河衛指揮使撒里赤答爲都指揮食事都指
揮同知探答哈爲都指揮使毛憐衛指揮使劉剌答爲都指揮
食事指揮同知課果阿古卜良吉朵樂來哈奴俱爲指揮使指
揮食事鎖羅幹奴黑赤鬼里班答位張哈俱爲指揮同知劉真
衛指揮同知吉當加爲指揮使喜樂溫河衛指揮同知兀寧哥
烏指揮使指揮食事打魯花哈墨黑禿俱爲指揮同知○以直
隸保定府新城縣空地一百五十餘頃賜太監張輝○武城衛
帶俸指揮使宋寧羽林衛帶俸指揮同知劉永俱選採於三千
營因騰驤衛缺指揮使武驤衛缺指揮同知各上章乞補 上
怒命錦衣衛俱枷號於三千營○直隸沂州衛指揮食事王忠

因人有發其所部為盜者遂嗾所部殺之事覺所部七人皆度
死忠生謀殺人造意斬巡按山東監奉御史郝淵之謂殺一人
而死者七人况忠非親殺者情可憫上命宥忠發充甘肅邊
衛軍。直隸蘇州府吳縣上方寺僧如墩奏臣謹集徒衆看誦
大藏經一藏祝延聖壽已滿詣浙江萬壽寺奉禮諸僧經過
錢塘江忽見江潮中流出異竹有老人識之曰此萬壽竹也臣
不敢匿謹備香茶同竹上進上知其誑令送禮部墩狡詐無
籍因與錦衣衛指揮門達有舊來京冒僧官職名進本保高杭
州淨慈寺住持後達事敗墩以請託受賂下錦衣衛獄坐罪為
民。修江西饒州府城。甲子勅伊王顯煥日爾進賀聖烈
慈壽皇太后聖旦表文如何不具副本又將違奉禮物奏本包
封於表文內先因爾進賀冬至表文怠慢不恭已有勅書戒

飭令復思畧不謹朝廷雖從寬典在王寧不愧于心乎其失
等官姑再問罪王宜痛自改省若人仍前自取過愆恐非所以
保祿也王其慎之。鎮守寧夏都督同知張泰老疾命其子綱
代為指揮使命改陝西都司都指揮同知潘興子瑛襲指揮僉
事通州帶俸都指揮僉事張瑄弟成金吾右衛帶俸都指揮僉
事潘海弟清俱襲指揮使。免直隸真定廣平二府州縣去歲
水旱災糧二萬五百八十餘石草三十七萬七千九百六十餘
束綿花四千五百四十餘斤。月掩犯軒轅御女星。乙丑命
改咸安侯郭晟弟昂襲封咸安伯初晟父咸安侯亮受誥奉世
襲伯爵亮卒。仁宗特命晟襲咸安侯及是晟卒無子昂奏請
襲封。上命仍襲伯爵。給唐山王府校尉月糧。丙寅賜隰
川王長子仕燧夫人喬氏冠服等物。詔都察院禁朝臣不得

用紅氍毹衫。丁卯司禮監太監福女奏永樂間差內官下西洋并往廣東買辦採辦珍珠故國用充足今久不保府庫空虛上命監奉御史呂洪同內官往廣東雷州廉州二府楊梅等珠池採辦。巡按山東監奉御史田景揚等奏遼東倉儲為官吏侵盜者二萬三千餘石腐者垂三千石管糧參議梅森食事王鐸胡鼎宜治罪上曰此本宜罪姑宥之。都察院奏廣東守備高州都指揮食事林清嘗失機罪當斬已而有功上曰功可贖罪宥之。戊辰鎮守延綏等處太監王春奏遼賊首無蹤跡邊境寧靖上曰延綏既無聲息令獨石馬營官軍回原處操守。命國子監司業曹選致仕。己巳致書商王恪煇曰近因甘州官軍缺馬騎操予以邊務之重嘗致書請於府中舉牧馬因選取應用繼承叔祖厚意選馬五百匹已給官軍領操

不勝至感且承喻及所酬馬價不敢領受足見叔祖體國安邊之心但府中馬匹有限牧養亦甚不易豈可不受價且特遣御用監左監丞宋勝齋送菲物用致予意惟叔祖亮之。命改金吾右衛指揮同知李俊子勇羽林前衛指揮使錢聚弟謹指揮同知李春子震指揮僉事喬成子永全吾左衛指揮使楊成子敬王亦思哈子泉指揮僉事賈翔子剛府軍左衛指揮同知胡英子泰通州衛指揮同知李信子英燕山左衛指揮僉事羅駐子玉孝陵衛指揮僉事崇瑄子政羽林右衛指揮僉事蕭駐子俊府軍左衛指揮僉事張真子湧府軍右衛指揮僉事許銘子壯燕山右衛指揮使王敬弟勝方順姪英魯剛叔斌濟州衛指揮同知賈禎子玉府軍衛指揮同知王榮子雄燕山前衛指揮僉事白勝子亮俱襲職金吾右衛指揮同知任禮子忠代職。

總兵官定遠伯石彪奏遣賊人馬已俱往東北去 上曰賊既去彪領軍且同大同。遣官都指揮僉事孔衆神保受同姓高強盜者金帛事覺都奉院謂衆神保帶俸河間若統治之恐其類驚懼不安 上然其言命宥之。庚午賜秦王庶子名曰誠泳。兵部尚書馬昂奏各處邊方副總兵叅將守備協同協副等官多周知朝廷禮法不顧上下名分或與總兵主將同列坐坐或因私忿讎嫌爭出號令凡有軍務不同計議遇有警急不聽調度非惟失體統亦恐誤事擬宜通行禁約 上曰副總兵等官有不安分者戒諭不必通行。山東登州衛海船有遭風飄涉朝鮮國境者其船已壞所載貨物達東官軍布花等物類國人撈救得十之七國王李瑛差人運送鴨綠江仍給各旗軍衣糧遣回具以聞 上嘉王故事朝廷之意特賜勅獎諭之。

禮部奏建州等衛野人頭目乞於沿途買牛帶回耕種 上從其請。辛未以湖廣鴻臚洲地十五頃賜荆王府耕種。壬申陞翰林院編修吳匯為國子監司業。夜月犯罰星上星。癸酉勅朝鮮國王李瑄該禮部奏稱得王咨有日本國差人盧國等到國言國王瑄義政以先差去進貢使人失禮蒙朝廷恩宥故回將本人科罪今欲差人赴京謝罪緣日本國僻在海隅去京路遠其情真偽難以遠度勅至王即拘盧國等詳審前項傳說如果真實無偽轉行瑄義政說朝廷以爾既能悔過自新准令擇還謹厚老成識達大體者為使來朝貢往來中途不許生事若或似前搶掠財物欺咬官府罪必不宥王其審實停當而行毋得忌畧。勅李夏來路右叅將都指揮俞事仇庶克副總兵鎮守李夏西路協同守備都指揮同知王安克右叅將鎮守

東路守備廣武營署都指揮僉事施雲協同左恭將朱榮仍在
本營操備。太平侯張瑾奏改父執事過祿米五百八十餘石
例應還官緣費用已盡。上命免還。命改四川行都司都指
揮僉事陳綱弟紀榮兄原職指揮使。夜月犯南斗。乙亥初
諭朝鮮國王李瑒近者邊將奏報有建州三衛都督古納哈董
山等私謁王國俱得賞賜而因此雖傳聞之言必有形迹可疑
且王國為朝廷東藩而上之先代以來世萬忠貞恪恭禮義未
嘗私與外人交通何至於王乃有此事今特遣人齎勅諭王
宜自有如無此事則已果有此事王速改之如從自來亦當拒
絕諭以各安本分各守境土毋或自作不靖以貽後悔在王
尤當秉禮守法遠絕嫌疑繼承前烈以全令名王其慎之。擢進
士柳瑛為戶科給事中石澄刑科給事中謝瑀劉鐸俱戶部主

事劉任治兵部主事范奎張鑑俱南京戶部主事路璋夏積吳
瑄俱南京刑部主事趙熙湖廣安陸州知州何淡山東濱州知
州。監察御史陳典庸奏陝西涼州等衛所俱被達賊搶掠耕
牛悉悞屯田 上令戶部移文陝西布按二司量出官銀伍千
兩於腹裏買牛給之。丙子哈密土魯番亦力把里黑曼哈失
哈兒吉蘭兀魯木思戎等處正副使及從人二十六名來朝貢
兵部具陞例以聞 上命正副使原有官者陞一級無官者正
使授百戶副使授所鎮撫哈失哈兒等處使臣俱授所鎮撫皆
給賜冠帶從人賞賜如例。四川按察司僉事劉福等奏都指
揮僉事孫斌納備邊卒賂縱之且侵其行糧命巡按御史胡寬
統治之。丁丑賜渥項清心戒行國師班卓兒藏卜淨戒禪師
班丹劉思已等誥命及鍍金銀印袈裟等物。陝西河州衛普

綱寺禪師劉失已等西寧慈利寺判麻鎮南等西寧弘覺寺判
麻鎮真藏卜來朝貢馬及佛像舍利賜宴及綵幣表裏等物有
差。戊寅清明節遣官祭長陵獻陽景陵。旌表孝子
姚文文浙江杭州府人與弟得自幼父歿奉母韓氏盡孝母病
危兄弟號泣稽顙願天求以身代病遂愈高壽而卒旌葬每朔
望拜泣墓下旌其門曰孝行。山西石叅議畢鸞坐職罷官數
陳冤錦衣衛鞠得其枉命復職。己卯琉球國中山王尚恭久
遣使臣李敬等來朝貢馬及金銀器皿等物賜宴及綵幣表裏
襲衣有差。吏部左侍郎姚夔九年考滿上命復職。禮部
奏哈密等處地面使臣已將馬駝進貢其餘玉石千二百斤乞
令自費從之。降通事指揮僉事哈銘為副千戶調發貴州衛
差掙初百戶李成善謹稱沙狐狸自以隨駕進北有功擅入